



Broj: 02-11-4-6557-11/23

Datum: 24.11.2023.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22), člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo (“Službene novine Kantona Sarajevo”, broj 44/23) i preporuke Komisije za sukcesivnu nabavku kancelarijskog materijala za potrebe Uprave policije, imenovane Rješenjem broj: 02/5-1-30-1-1020 od 22.02.2023. godine, u postupku javne nabavke kancelarijskog materijala, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA

I

Prihvata se preporuka Komisije za sukcesivnu nabavku kancelarijskog materijala za potrebe Uprave policije i okvirni sporazum za javnu nabavku kancelarijskog materijala za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- Primaprom d.o.o. Banja Luka za ponuđenu cijenu od 210.100,00 KM bez PDV-a

II

Postupkom javne nabavke predviđeno je potpisivanje Okvirnog sporazuma na period od 12 (dvanaest) mjeseci. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma dostavit će se na potpis izabranom ponuđaču Primaprom d.o.o. Banja Luka po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

IV

Izabrani ponuđač Primaprom d.o.o. Banja Luka dužan je da u roku od 5 (pet) dana od dana prijema ove odluke dostavi dokaze navedene u tački 12. tenderske dokumentacije, a koji se odnose na član 45. stav (2) tačka a) do d).

Dokazi koji će dostaviti odabrani ponuđač moraju biti original ili ovjerena kopija i ne mogu biti stariji od 3 mjeseca, računajući od momenta predaje ponude.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-6657/23 od 18.09.2023. godine, Obavještenja o nabavci broj: 16475-1-1-117-3-124/23 od 21.09.2023. godine i ispravke obavještenja o nabavci broj: 16475-1-1-117-8-134/23 od 18.10.2023. godine, proveden je otvoreni postupak javne nabavke kancelarijskog materijala za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-6557/23 od 30.10.2023. godine, za aktivno ucesce u postupku dostavljene su ponude ponuđača: Primaprom d.o.o. Banja Luka, R&S d.o.o. Sarajevo, Office support d.o.o. Sarajevo i Elkom d.o.o. Vitez.

U pristigloj ponudi ponuđača R&S d.o.o. Sarajevo, Komisija za nabavku kancelarijskog materijala za potrebe Uprave policije (u daljem tekstu Komisija) je prilikom pregleda i ocjene ponuda utvrdila postojanje računskih grešaka.

Ukupan iznos u ponudi ponuđača R&S d.o.o. Sarajevo, nakon ispravljanja računске greške, treba da iznosi 212.781,95 KM umjesto pogrešno upisanih 212.897,78 KM (razlika 115,83 KM).

Na upućeni zahtjev ponuđač R&S d.o.o. Sarajevo je u ostavljenom krajnjem roku dao svoju saglasnost za ispravku računskih grešaka.

Komisija je prilikom pregleda i ocjene ponuda utvrdila da je ponuđač Office support d.o.o. Sarajevo u cilju dokazivanja tehničke i profesionalne sposobnosti dostavio spisak uredno izvršenih ugovora i Potvrdu o uredno izvršenom ugovoru broj 109/23 od 12.10.2023. godine izdatu od Paper Star d.o.o. Zenica, u kojoj se navodi da je ponuđač Office support d.o.o. Sarajevo u razdoblju od 01.10.2023. godine do 12.10.2023. godine izvršio prodaju i isporuku kancelarijskog materijala u ukupnoj vrijednosti od 205.529,98 KM bez PDV-a.

Dana 15.11.2023. godine ponuđaču Office support d.o.o. Sarajevo je upućen Zahtjev za pojašnjenje potvrde o uredno izvršenom ugovoru broj 02/6-6557-8/23 kojim je u svrhu pojašnjenja dostavljene potvrde od ponuđača tražen original ili ovjerena kopija Ugovora o isporuci kancelarijskog materijala i dokaz o realizaciji ugovora (račun ili otpremnica).

Postupajući po navedenom zahtjevu ponuđač Office support d.o.o. Sarajevo je dana 16.11.2023. godine dostavio:

-Ugovor o poslovnoj suradnji broj 05/23 zaključen dana 01.07.2023. godine između Office support d.o.o. Sarajevo i Paper Star d.o.o. Zenica.

-Otpremnicu broj 2499/23 od 12.10.2023. godine izdatu od ponuđača Office support d.o.o. Sarajevo.

Komisija je izvršila analizu, pregled i ocjenu dostavljene dokumentacije te utvrdila sljedeće:

Uvidom u dostavljeni Ugovor o poslovnoj suradnji iz istog je vidljivo da je predmetni Ugovor još uvijek na snazi odnosno da je Ugovor o poslovnoj suradnji zaključen dana 01.07.2023. godine na period od 12 (dvanaest) mjeseci sa mogućnošću produženja na dodatnih 12 (dvanaest) mjeseci te da isti ne sadrži cijenu (shodno Zakonu o obligacionim odnosima, cijena je bitan element Ugovora o prodaji).

Uvidom u dostavljenu otpremnicu vidljivo je da je ponuđač Office support d.o.o. izvršio isporuku kancelarijskog materijala i tonera pravnom licu Paper star d.o.o. Zenica.

Cijeneći prethodno navedeno, Komisija je konstatovala da je ponuđač Office support d.o.o. Sarajevo dostavio odgovor u ostavljenom roku, koji Komisija nije procijenila kao zadovoljavajući.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, kojim je utvrdila sljedeće:

- da ponuda ponuđača Office support d.o.o. Sarajevo nije u skladu sa tačkom 13.3. Tenderske dokumentacije - Tehnička i profesionalna sposobnost u postupku nabavke roba (član 49. Zakona).

Tačkom 13.3 pod a) Tenderske dokumentacije - Tehnička i profesionalna sposobnost u postupku nabavke roba (član 49. Zakona) u svrhu ispunjavanja tehničke i profesionalne sposobnosti u postupku nabavke roba od ponuđača je tražena uspješna realizacija najmanje jednog ugovora, iz oblasti predmeta nabavke, odnosno ugovora čiji je karakter i kompleksnost ista predmetnoj nabavci, u toku prethodne tri godine ili od datuma registracije privrednog subjekta, ukoliko je registrovan poslije navedenog perioda, u visini od minimalno 50% procijenjene vrijednosti nabavke. U svrhu dokaza o ispunjavanju navedenog uslova ponuđači su bili obavezni dostaviti spisak izvršenih ugovora u toku prethodne 3 (tri) godine koji sadrži najmanje jedan ugovor čija minimalna vrijednost iznosi najmanje 50% procijenjene vrijednosti javne nabavke. Uz spisak izvršenih ugovora ponuđač je dužan dostaviti najmanje jednu potvrdu koja je u vezi sa spiskom izvršenih ugovora, koju je izdala druga ugovorna strana, čija je minimalna vrijednost 50% procijenjene vrijednosti nabavke, a sve u skladu sa članom 49. Zakona o javnim nabavkama. Ponuđač Office support d.o.o. Sarajevo je u svrhu dokazivanja uslova iz tačke 13.3. a) Tenderske dokumentacije dostavio spisak izvršenih Ugovora i Potvrdu o uredno izvršenom ugovoru izdatu od Paper Star d.o.o. Zenica.

Shodno članu 68. stav (3) Zakona o javnim nabavkama, a u cilju pravilnog i potpunog utvrđivanja činjeničnog stanja dana 15.11.2023. godine ponuđaču Office support d.o.o. Sarajevo upućen je Zahtjev za pojašnjenje potvrde o uredno izvršenom Ugovoru. Zahtjevom za pojašnjenje potvrde o uredno izvršenom ugovoru od ponuđača Office support d.o.o. Sarajevo je u svrhu pojašnjenja dostavljene potvrde tražena original ili ovjerena kopija ugovora o isporuci kancelarijskog materijala zaključenog između ponuđača Office support d.o.o. Sarajevo i Paper Star d.o.o. Zenica i dokaz o realizaciji ugovora (račun ili otpremnica).

U cilju pojašnjenja potvrde o uredno izvršenom ugovoru ponuđač Office support d.o.o. Sarajevo je dana 16.11.2023. godine dostavio: Ugovor o poslovnoj suradnji broj 05/23 zaključen dana 01.07.2023. godine između Office support d.o.o. Sarajevo i Paper Star d.o.o. Zenica i Otpremnicu broj 2499/23 od 12.10.2023. godine.

Uvidom u dostavljeni Ugovor o poslovnoj suradnji broj 05/23 od 01.07.2023. godine vidljivo je da je isti ne sadrži cijenu te da je isti još uvijek na snazi odnosno da je zaključen dana 01.07.2023. godine na period od 12 (dvanaest) mjeseci od dana stupanja na snagu.

Uvidom u dostavljenu otpremnicu broj 2499/23 od 12.10.2023. godine izdatu od strane Office support d.o.o. Sarajevo vidljivo je da je ponuđač Office support d.o.o. izvršio isporuku kancelarijskog materijala i tonera pravnom licu Paper star d.o.o. Zenica ali ne i da je izvršio ugovor koji je još na snazi, pa se prema tome dostavljena potvrda ne odnosi na izvršeni ugovor.

Cijeneći dostavljene dokaze, Komisija je konstatovala da je Tenderskom dokumentacijom tražen spisak izvršenih ugovora i potvrda o uredno izvršenom Ugovoru, a da je ponuđač Office support d.o.o. Sarajevo dostavio potvrdu za Ugovor koji je na snazi odnosno čija je realizacija još uvijek u toku što nije u skladu sa članom 49. stav (1) tačka a) Zakona o javnim nabavkama i tačkom 13.3. Tenderske dokumentacije.

Tačkom 13.3. b) Tenderske dokumentacije - Tehnička i profesionalna sposobnost u postupku nabavke roba (član 49. Zakona) u svrhu dokazivanja tehničke i profesionalne sposobnosti u postupku nabavke roba traženo je dostavljanje tehničkog lista proizvođača za ponuđene robe za koje je to traženo u Obrascu za cijenu ponude, kojim se potvrđuje zadovoljenje traženih zahtjeva iz tehničke specifikacije, uz jasno označavanje ponuđenog modela robe.

Aneksom III Tenderske dokumentacije - Obrazac za cijenu ponuda pod rednim brojem 48. tražena roba - Registrator plavi A4/80 opisan je na sljedeći način: *Registrator plavi A4/80 (široki) sa kutijom; kutija karton: ljepenka debiljine minimalno 1,00 mm; kutija treba biti presvučena: papir offset minimalno 115 gr; registrator karton ljepenka minimalno 1,50 mm; registrator treba da je presvučen papirom offset od minimalno 100 gr; mehanizam registratora da je metalni; hrbat odštampan u bijeloj boji sa minimalno 6 redova za ispisivanje predmeta. Dostaviti tehnički list proizvođača“.*

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba

Ponudač Office support d.o.o. Sarajevo je za stavku pod rednim brojem 48. - Registrator plavi A4/80 dostavio Tehnički list za: Registrator fornax Office A4 D80 izdat od strane Grafotisak d.o.o. Grude. Uvidom u dostavljeni tehnički list za Registrator Fornax Office A4 D80, utvrđeno je da iz istog nije vidljivo da ponuđeni registrator ima metalni mehanizam, kako je to traženo Aneksom III - Obrazac za cijenu ponude pod rednim brojem 48, već je samo naveden naziv proizvođača mehanizama (proizvođač Niko Železniki), čiji mehanizmi mogu biti različiti.

Shodno navedenom, ponuda ponuđača Office support d.o.o. Sarajevo nije prihvatljiva jer ne ispunjava uslove:

- iz tačke 13.3. pod a) Tenderske dokumentacije - Tehnička i profesionalna sposobnost u postupku nabavke roba, obzirom da je ponudač dostavio spisak izvršenih ugovora i potvrdu o urednom izvršenju ugovora za ugovor koji je još na snazi, odnosno ugovor koji još nije realizovan i
- iz tačke 13.3. pod b) Tenderske dokumentacije - Tehnička i profesionalna sposobnost u postupku nabavke roba, obzirom da dostavljenim tehničkim listom nije dokazano i potvrđeno zadovoljavanje traženih uslova iz tehničke specifikacije,

te se u skladu sa članom 68 stav (1) i (4) tačka i) Zakona o javnim nabavkama odbacuje.

- da ponuda ponuđača Elkom d.o.o. Vitez nije u skladu sa tačkom 13.3. Tenderske dokumentacije - Tehnička i profesionalna sposobnost u postupku nabavke roba (član 49. Zakona).

Naime, tačkom 13.3. b) Tenderske dokumentacije - Tehnička i profesionalna sposobnost u postupku nabavke roba (član 49. Zakona) u svrhu dokazivanja tehničke i profesionalne sposobnosti u postupku nabavke roba (član 49. Zakona) traženo je dostavljanje tehničkog lista proizvođača za ponuđene robe za koje je to traženo u Obrascu za cijenu ponude, kojim se potvrđuje zadovoljenje traženih zahtjeva iz tehničke specifikacije, uz jasno označavanje ponuđenog modela robe.

Aneksom III Tenderske dokumentacije - *Obrazac za cijenu ponuda pod rednim brojem 48. tražena roba - registrator plavi A4/80 opisan je na sljedeći način: Registrator plavi A4/80 (široki) sa kutijom; kutija karton: ljepenka debiljine minimalno 1,00 mm; kutija treba biti presvučena: papir offset minimalno 115 gr; registrator karton ljepenka minimalno 1,50 mm; registrator treba da je presvučen papirom offset od minimalno 100 gr; mehanizam registratora da je metalni; hrbat odštampan u bijeloj boji sa minimalno 6 redova za ispisivanje predmeta. Dostaviti tehnički list proizvođača“.*

Ponudač Elkom d.o.o. Vitez je za stavku pod rednim brojem 48. - Registrator plavi A4/80 dostavio Tehnički list Fornax Office Registratora izdat od strane Grafotisak d.o.o. Grude. Uvidom u dostavljeni tehnički list za Fornax Office registrator, iz istog nije vidljivo da ponuđeni registrator ima metalni mehanizam koji je tražen Aneksom III - Obrazac za cijenu ponude pod rednim brojem 48, već je samo naveden naziv proizvođača mehanizama (proizvođač Niko Železniki), čiji mehanizmi mogu biti različiti.

Shodno navedenom, ponuda ponuđača Elkom d.o.o. Vitez nije prihvatljiva jer ne ispunjava uslov iz tačke 13.3. pod b) Tenderske dokumentacije - Tehnička i profesionalna sposobnost u postupku nabavke roba, obzirom da dostavljenim tehničkim listom nije potvrđeno zadovoljavanje traženih uslova iz tehničke specifikacije, te se u skladu sa članom 68 stav (1) i (4) tačka i) Zakona o javnim nabavkama odbacuje.

- da ponude ponuđača Primaprom d.o.o. Banja Luka i R&S d.o.o. Sarajevo sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa.

Nakon ovoga stekli su se uslovi za zakazivanje e-aukcije.

E-aukcija je zakazana za dan 22.11.2023. godine sa početkom u:

- 14:20 sati.

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio Izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije je došlo do smanjivanja cijena i podnošenja novih ponuda..

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponudu prvorangiranog ponuđača:

- Primaprom d.o.o. Banja Luka za ponudenu cijenu od 210.100,00 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjele ponude u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).

POLICIJSKI KOMESAR
Generalni inspektor policije

Fatmir Hajdarević

Dostaviti:

1. Komisiji za sukcesivnu nabavku kancelarijskog materijala
2. Ponuđačima x4
3. Odjeljenju za odnose s javnošću, radi objave na web stranici ovog organa
4. a/a